

1. Bin ä Salzburgä Bauä
Bei mein besten Jähren.
Wenn i ausfahr, nim i 's Büchsel,
Steck 's eini in Wägn.
In Wäld laß i 's schälln;
Ist ä Hirschel zämmg'falln,
G'schwind aufg'legt auf'n Nüt!
Frisch hoamg'fahn dämät!
2. Und wie-r-i bi' hoamg'fahn,
Kommant Jägä gêm mir;
I hä' 's ja nöd g'wifät,
Sän s' drei odä vier.
Sie schaut mi fest ä,
Hämt nöd g'wifät, wäs i hä'.
Hä' mä denkt: ös schmeckt's nit,
Wäs i hä' in mein Nüt!
3. Bin ä Salzburgä Bauä;
Jag geht's mâr erscht quat.
Dä schiap i mâr ä Hirschel
Dä gibts gibtsös ja g'mua.
Mei' Klaus wolt i kleiden
Mit Hirsch- und Gämbshäuten - Häuten.
's Fleisch hät ja koa' Ziel,
Hät koa' Mägga so viel.
4. Bin ä Salzburgä Bauä;
Häbts mi ä no nia kennt!
Hä' mäs oft mei' Augbrän
Mit'n Schiaßen vobrennt.
Mei' Büchsl is quat g'mächt
Und gêm tuat's, wie k'eam's schaff;
Koa' Jägä scheucht 's nit,
Sänd's viel odä nit.
5. Sänd enk so viel Jägä,
Hät koanä koa' schneid!
Hä' nächst drei vosprengt,
Häm 's Büchsel wegkeit.
Hä' g'schwind nächi daucht,
Hä' 's Büchsel zämmklaut;
Jäg's hoam in mei' Klaus.
Wöllt's ^{es} häba, ~~löst~~ löst es aus!
6. Itmal hän i g'schossn,
Hät mi recht vodrossn.
I hä' g'moat, 's is ä Hirschel -
Hän ä Kus däschossn.
Hät mein Nächstbän g'höascht;
Hät si hälbät todt g'reascht.
Mei' Nächstbä, sei still!
Gib dä Hirschel so viel.
7. Abä wäs wern denn iatz
Grad die Leut si denkä,
Wenn i tua mein Nächstbän
Drei Hirschel schenkä?
Is mä weidä nöd schiach,
Kriag äll Wochä-r-ä vier.
An Säk voll Rebhenä
Wollt i ä bekemmä.
8. Das Liadl ist aus.
Und iatz geht's scho' g'um End.
Oes häbts ja den Salzburgä
Bauä nöd kennt!
Er hät hält ä schneid
Und zum Schiaßen ä Freud,
Weil's hält um ä Hirschel
Schöne Thälär ä geit.

handgeschrieben aus Oberbayern.